

Rapport dalla cumischung da gestiun davart igl chint annual 2022

Igl rendachint 2022 digl cumegn da Surses è nia revidia digl biro fiduziar Curia Treuhand AG.

Cun aveir en revisorat extern renunztga la cumischung da gestiun ad ulteriouras controllas digl rendachint. An sedutas communablas cun la suprastanza communal vagn nous pero discuto an detagl igl chint administrativ e la bilantscha.

La cumischung da gestiun ò er piglia cunaschientscha da tot igls protocols da suprastanza per examinar la gestiun digls differents affars. Noua tgi nous vagn catto per basigns vainsa intervignia directamaintg tar la suprastanza communal.

An sies rapport testifitgeschan Arno Felix e Tino Zanetti digl biro Curia Treuhand AG, tgi igl rendachint 2022 corresponda allas prescripziuns legalas. Els recumondan d'approvar igl rendachint 2022.

Alla basa digl rapport digl post da revisiun extern e nossas controllas dallas differentas gestiuns proponignsa alla radunanza communal d'approvar igl chint preschento e da discarger tant la suprastanza communal scu er igls collaboratours responsabels.

Nous angraztgagn agl manader ed a tot igls collaboratours dalla partiziun da finanzas, scu er alla suprastanza communal ed agls commembers dalla direenziun digl cumegn da Surses per lur lavour prestada.

Tinizong, igls 30 da matg 2023



Urs Guetg, parsoura



Lothar Künzli, commember

La cumischung da gestiun:



Armando Janett, commember